

SIARAN MEDIA KEMENTERIAN KEWANGAN MALAYSIA

STATUS TERKINI PEMBAYARAN FASA KEDUA BANTUAN SARA HIDUP (BSH) 2019



STATUS TERKINI PEMBAYARAN FASA KEDUA BANTUAN SARA HIDUP (BSH) 2019

Seperti yang telah diumumkan oleh Kementerian Kewangan pada 31 Mei 2019 mengenai pembayaran fasa kedua Bantuan Sara Hidup (BSH) 2019, daripada 3.6 juta isirumah yang diluluskan BSH 2019, terdapat 0.3 juta penerima yang tidak dapat dikreditkan bayaran BSH ke dalam akaun bank. Sebab utama bayaran gagal dikreditkan adalah nombor akaun bank yang didaftarkan tidak tepat. Ini terbangkit apabila antaranya pemohon mengisi nombor akaun bank suami dalam ruang untuk diisikan nombor akaun bank isteri.

Sebagai status terkini, bagi golongan tersebut yang gagal dikreditkan ke dalam akaun bank, adalah dimaklumkan bahawa Bank Simpanan Nasional (BSN) telah berjaya mewujudkan hampir 350,000 akaun bank baharu secara automatik mulai 3 Jun 2019 atas nama isteri pemohon BSH.

Sehubungan dengan itu, penerima berkenaan boleh hadir ke cawangan BSN bagi urusan pengaktifan akaun dan seterusnya pengeluaran tunai daripada akaun mulai 4 Jun 2019.

Sekiranya terdapat sebarang pertanyaan lanjut, boleh menghubungi talian bebas tol **1800-88-2747** serta emel kepada **bsh@treasury.gov.my**.

Sayangi Malaysiaku!

Kementerian Kewangan
Putrajaya
4 Jun 2019

Like Be the first of your friends to like this.